

窮善者多

又

抱一無離物外遊飄飄獨駕大神舟茫茫苦海人無數誰肯灰  
心上釣鉤

又

忠言普勸早回頭勸不回頭陷九幽大聖無由提得出目前認  
正早吞鉤

詠先天觀殿後湧金池作木牌於池面戒物觸穢耳

滾滾靈泉歲月深分毫垢穢莫教侵世人只見無涯水唯我看  
時不盡金

道藏輯要

葆光集

辛 胃集十  
八八上

道過燕臺清水村馬公宅宿滯雨

扶風邀我動天心一夜雲生雨作霖萬物西成將有信千金難  
買一知音

述懷

學道年深始得成一番魔過一番新頻逢魔處心休變魔盡才  
明一點真

又

七真修德動天顏一舉玄風過玉關水調歌頭明有驗大開門  
戶倚燕山

崑州赴供三絕

常足軒居恰一年身心自覺稍安然教門使我知難免不避迢  
遙赴醮筵

又

嶺北風寒自古傳三冬遠涉鴈門川道人慈惠堪爲寶度死哀  
生作善緣

又

暫別燕城處順堂代師行化歷他方本非留意攀緣動醮主誠  
心不可忘

題墨竹

墨君寫就四時春葉葉枝枝迴絕塵奪得化工權在手一番拈

道藏輯要

葆光集

三

胃集十

出一番新

常足軒中自述

常足軒中山海全更兼風月伴流年人求見者無他語盡喚長  
春小洞天

又

小軒山海盡方全常足爲名佚老年好向此間閑自在更於何  
處覓壺天

過晉安府南新莊贈杜道人

六歲出家九十一一真明透四三七今朝幸遇宿緣深法法俱  
忘事事畢